

佛說心明經

西晉三藏法師竺法護譯



南無本師釋迦牟尼佛

說 明

本繁體校正版《佛說心明經》電子書，根據《乾隆大藏經》大乘單譯經，第 0510 部，西晉三藏法師竺法護譯《佛說心明經》影印本校正，句讀僅供參考。

本電子書是免費結緣品，特此說明。

仁慧草堂

二〇二一年二月



掃碼關注仁慧草堂微信公眾號

● 起誦儀

誦經警文

1. 未誦前。漱口澡手。當淨三業。若三業無虧。則百福俱集。三業者。身口意也。端身正坐。如對聖容。則身業淨也。口無雜言。斷諸嬉笑。則口業淨也。意不散亂。屏息萬緣。則意業淨也。

2. 未誦前。已誦後。俱要對聖像前合掌三禮。如無佛像。對經。對空禮拜亦可。

香讚

(一徧)

爐香乍爇。法界蒙薰。諸佛海會悉遙聞。隨處結祥雲。誠意方殷。諸佛現全身。

南無香雲蓋菩薩摩訶薩 (合掌三稱)

南無本師釋迦牟尼佛 (合掌三稱)

開經偈

(一徧)

無上甚深微妙法 百千萬劫難遭遇
我今見聞得受持 願解如來真實義

佛說心明經

西晉三藏法師竺法護譯¹

聞如是：

一時，佛遊王舍城靈鷲山，與五百比丘四部眾俱。

佛以晨旦著衣持鉢，往至一縣而行分衛，諸天龍神追於上侍，到梵志館門外而住分衛²，佛放大光普照³十方。

時，梵志婦執爨炊飯，見光照身身得安隱，解懌⁴無量，心自念言：「今此光耀，不似日月釋梵、四王諸天之明，躬荷熙怡不能自勝。」還顧見佛端正姝⁵好，如星中月奇相巍巍，眾好具足諸根澹泊，無有衰入逮⁶最上寂，得第一定如日初出現于山崗，如轉輪王臨幸大殿寶⁷臣翼從，又若帝釋顯據忉利，猶梵天王於第七尊，如高山雪罔灼普現，倍加踊躍，重自忖惟⁸：「今得覩佛

¹ 麗本：西晉月氏國三藏竺法護譯；永樂北藏本及龍藏本：西晉三藏法師竺法護譯

² 麗本：住；永樂北藏本及龍藏本：住分衛

³ 麗本：炤；永樂北藏本及龍藏本：照

⁴ 麗本：懌；永樂北藏本及龍藏本：懌

⁵ 麗本：姝；永樂北藏本及龍藏本：姝

⁶ 麗本：建；永樂北藏本及龍藏本：逮

⁷ 麗本：補；永樂北藏本及龍藏本：寶

⁸ 麗本：惟忖；永樂北藏本及龍藏本：忖惟

及眾⁹弟子，誠副宿願，欲以食饌奉進正覺，隱察愚夫不信道德，志存¹⁰邪疑六十二見，見我¹¹所施必興結恨，宿命愆咎失雄猛男，嬰墜女像羈制於人，欲施聖尊不得由己，宜順護意當如之何？」便即壓¹²飯取汁一杓，以用上佛。佛之威神，鉢中自然有百味食。佛時達嚩，口歎頌曰：

假以馬百疋	金銀校 ¹³ 鞍勒
用惠施於人	不如杓飯汁
設以七寶車	載滿諸琦珍 ¹⁴
杓飯汁施佛	其福過於彼
若施白象百	明珠瓔珞飾
供佛一杓汁	其福超彼上
如聖轉輪王	普賢玉女后
端正無有比	七寶瓔珞身
如是之妙類	其數各有百
悉以配施人	不如一杓汁

於時，梵志靜住而聽，聞佛所歎，心懷疑惑，前問佛言：「一杓飯汁何所直也，而乃稱讚？若

⁹ 麗本：佛；永樂北藏本及龍藏本：眾

¹⁰ 麗本：在；永樂北藏本及龍藏本：存

¹¹ 麗本：妾；永樂北藏本及龍藏本：我

¹² 麗本：簞；永樂北藏本及龍藏本：壓

¹³ 麗本：校；永樂北藏本及龍藏本：校

¹⁴ 麗本：珍琦；永樂北藏本及龍藏本：琦珍

干寶施象馬車乘不可言數¹⁵，而云不如杓飯汁施，斯之飯汁不直一錢，然乃咨嗟若干億倍，孰當信哉？」

於是，世尊尋即顯露廣長之舌，以覆其面上至梵天，告梵志曰：「吾從無數億百千劫，常行至誠，六度無極，施諸所安，有而不惜，乃獲斯舌，寧以妄語能致之乎？吾欲問，卿至誠答之。曾頗往返舍衛羅閱，中路見有¹⁶樹名尼拘類，蔭庇人眾五百乘車不¹⁷？」

對曰：「唯然，有是所¹⁸見也。」

世尊又問：「其子大如？」

答曰：「形如芥子。」

佛告梵志：「卿真兩舌，實如芥子，樹何大¹⁹乎？」

對曰：「審爾，不敢欺也。」

佛又告曰：「種如芥子，生樹廣大，地之生植²⁰適無所置所覆彌廣乃爾，況復²¹如來、無上至真等正覺，無量福會普勝者哉！戒、定、慧、解

¹⁵ 麗本：咎毀；永樂北藏本及龍藏本：言數

¹⁶ 麗本：有；永樂北藏本及龍藏本：見有

¹⁷ 麗本：乎；永樂北藏本及龍藏本：不

¹⁸ 麗本：樹我所；永樂北藏本及龍藏本：所

¹⁹ 麗本：巨；永樂北藏本及龍藏本：大

²⁰ 麗本：殖；永樂北藏本及龍藏本：植

²¹ 麗本：況；永樂北藏本及龍藏本：爾，況復

²²脫知見事，大慈弘哀無所不濟，以饌供獻，福²³祚難計。」梵志默然無以加報。

時佛乃笑，五色光從口出，照十方五趣之類，天欲至²⁴，人心喜，餓鬼飽滿²⁵，地獄痛息，畜生意開罪除，尋光來詣佛所。諸佛笑法皆有常瑞，授菩薩決，遍照十方，光從頂入；授緣覺荊，光入面門；授聲聞荊，光入肩斗；說生天事，光從臍入；說降人中，光從膝入；說趣三苦，光從²⁶足心入。

諸佛之欣，不以欲笑，不以瞋笑，不以癡笑，不放逸笑，不利欲笑，不榮貴笑，不富饒笑，今佛普等愍傷群萌，行大慈笑，無斯七也。

賢者阿難分別七法，知法解義曉時了節暢眾會事，思²⁷省己身明眾人根，即從座起，更整衣服，長跪問佛：「佛何因緣²⁸笑？願說其意。」

佛告阿難：「見梵志婦發大意乎？」

對曰：「已見。」

佛言：「斯婦壽終，當轉女像後²⁹為男子，生

²² 麗本：解脫、解；永樂北藏本及龍藏本：解

²³ 麗本：功；永樂北藏本及龍藏本：福

²⁴ 麗本：止；永樂北藏本及龍藏本：至

²⁵ 麗本：飽；永樂北藏本及龍藏本：飽滿

²⁶ 麗本：從；永樂北藏本及龍藏本：光從

²⁷ 麗本：自；永樂北藏本及龍藏本：思

²⁸ 麗本：因；永樂北藏本及龍藏本：因緣

²⁹ 麗本：得；永樂北藏本及龍藏本：後

于天上諸天中尊，下生世間為人中上，解深妙法如幻如化、如水中月影響野馬，却三十劫當得作佛，名曰心明如來、至真、等正覺、明行成為、善逝、世間解、無上士、道法御、天人師，號佛、世尊。」

梵志心伏，五體投地，剋心自責，懺曰：「我如小兒愚癡闇冥，懷疑猶豫不識大聖，口出麤言唯原罪釁。」

佛言：「善哉！善哉！若自見過歸命於佛，於道法律悔殃塵者，其咎損滅³⁰，福增日滋。」

梵志啟進³¹：「唯垂大哀！加恩矜攝令得出家。」

佛即納受以為沙門，鬚髮則除法衣在身。於時，世尊講四聖諦苦集³²盡道，梵志踊躍漏盡意解。

佛說如是，賢者阿難、諸四部眾、天、人、龍、神，皆發道意，歡喜稽首而退³³。

佛說心明經

³⁰ 麗本：滅；永樂北藏本及龍藏本：滅

³¹ 麗本：進啟；永樂北藏本及龍藏本：啟進

³² 麗本：習；永樂北藏本及龍藏本：集

³³ 麗本：稽首；永樂北藏本及龍藏本：稽首而退

● 結誦儀

補闕真言

(三徧)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛拏. 吽. 潑抹拏. 娑
婆訶.

補闕圓滿真言

(三徧)

唵. 呼嚧呼嚧. 社曳穆契. 莎訶

普回向真言

(三徧)

唵^一娑摩囉^二娑摩囉^三彌摩曩^四薩哈^{呼馬切}囉^五摩訶咱^{爻上聲}
哈囉吽^六

拔一切業障根本得生淨土陀羅尼

(三遍)

南無阿彌多婆夜。哆他伽路夜。哆地夜他。
阿彌唎。都婆毗。阿彌唎哆。悉耽婆毗。阿彌唎
哆。毗迦蘭帝。阿彌唎哆。毗迦蘭哆。伽彌膩。
伽伽那。枳多迦隸。娑婆訶。

(不思議神力傳云。若欲受持呪法。嚼楊枝。澡豆。漱口。
然香。于佛像前胡跪合掌。日夜六時。各誦三七遍。即滅四重。
五逆。十惡。謗方等罪。悉得滅除。現世所求皆得。不為惡鬼神
所惑亂。若數滿二十萬遍。即感得菩提牙生。若至三十萬遍。即
面見阿彌陀佛。拔一切業障根本得生淨土神呪云。若有善男子善
女人能誦此呪者。阿彌陀佛常住其頂日夜擁護。無令怨家而得其
便。現世常得安隱。臨命終時。任運往生。)

讚佛偈

(一遍)

阿彌陀佛身金色 相好光明無等倫
白毫宛轉五須彌 紺目澄清四大海
光中化佛無數億 化菩薩眾亦無邊
四十八願度眾生 九品咸令登彼岸

南無西方極樂世界大慈大悲阿彌陀佛 一稱

南無阿彌陀佛 千稱或數百稱

阿彌陀佛 千稱或數百稱

南無觀世音菩薩 三稱三拜

南無大勢至菩薩 三稱三拜

南無清淨大海眾菩薩 三稱三拜

慈雲懺主淨土文

(一遍)

一心皈命。極樂世界。阿彌陀佛。願以淨光照我。慈誓攝我。我今正念。稱如來名。爲菩提道。求生淨土。佛昔本誓。若有眾生。欲生我國。至心信樂。乃至十念。若不生者。不取正覺。以此念佛因緣。得入如來大誓海中。承佛慈力。眾罪銷滅。善根增長。若臨命終。自知時至。身無病苦。心不貪戀。意不顛倒。如入禪定。佛及聖眾。手執金臺來迎接我。於一念頃。生極樂國。華開見佛。即聞佛乘。頓開佛慧。廣渡眾生。滿菩提願。

十方三世一切佛。一切菩薩摩訶薩。摩訶般若波羅蜜。

迴向偈

(一遍)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一遍)

自皈依佛。當願眾生。體解大道。發無上心。
自皈依法。當願眾生。深入經藏。智慧如海。自
皈依僧。當願眾生。統理大眾。一切無礙。和南
聖眾。

(淨土文及迴向偈。當對佛跪念。念畢。起身三禮而退。)

南无护法韦驮尊天菩萨



此咒置經書中可滅誤跨之罪